

BOSNA I HERCEGOVINA
FEDERACIJA BOSNE I HERCEGOVINE
REGISTAR VRIJEDNOSNIH PAPIRA
U FEDERACIJI BOSNE I HERCEGOVINE

Na osnovu člana 51. Statuta Registra vrijednosnih papira u Federaciji Bosne i Hercegovine („Službene novine Federacije BiH“, broj 59/23), direktorica Registra vrijednosnih papira u Federaciji Bosne i Hercegovine donosi

ODLUKU
o načinu računanja dva radna dana (T+2)
za izvršenje obaveza u postupku obračuna i poravnanja
s vrijednosnim papirima u 2025. godini

I

Ovom odlukom utvrđuje se način računanja dva radna dana (T+2) za izvršenje obaveza u postupku obračuna i poravnanja s vrijednosnim papirima, nastalih po osnovu pravnih poslova zaključenih na berzi ili drugom uređenom tržištu, a u skladu sa postupkom utvrđenim Uputstvom za poslove obračuna i poravnanja u okviru prijenosa vrijednosnih papira po osnovu poslova zaključenih na berzi ili drugom uređenom tržištu broj: 02-1-NO-32-14260/15 od 18.11.2015. godine.

Dva radna dana u smislu ove odluke (T+2) za izvršenje obaveza po osnovu pravnih poslova sa vrijednosnim papirima zaključenim na berzi i drugom uređenom tržištu, podrazumijeva naredna dva radna dana (T+2) od dana zaključenja pravnog posla, odnosno dan trgovanja (T) ne računa se u dva radna dana za izvršenje obaveza.

II

U radne dane u smislu ove odluke računaju se dani: ponedjeljak, utorak, srijeda, četvrtak i petak, a dani vikenda subota i nedjelja te dani državnih i vjerskih praznika ne računaju se u radne dane, za izvršavanje obaveza iz tačke I ove odluke.

Ako niz od dva radna dana od dana zaključenja pravnog posla s vrijednosnim papirima na berzi ili drugom uređenom tržištu, prekidaju dani subota i nedjelja ili dani državnog i vjerskog praznika, u rok od dva radna dana ne uračunavaju se dani subota, nedjelja i dani državnog i vjerskog praznika, a u rok se uračunavaju naredni radni dani koji dolaze iza dana koji se ne računaju u radne dane za izvršavanje obaveza iz stava 1. ove tačke.

Saglasno odredbama st. 1. i 2. ove tačke u dva radna dana (T+2) za izvršenje obaveza iz pravnih poslova sa vrijednosnim papirima zaključenim na berzi i drugom uređenom tržištu za 2025. godinu ne računaju se:

- subote i nedjelje
- srijeda 01.01.2025. godine državni praznik (Nova godina)
- četvrtak 02.01.2025. godine državni praznik (Nova godina)
- ponedjeljak 31.03.2025. godine vjerski praznik (Ramazanski Bajram)
- ponedjeljak 21.04.2025. godine vjerski praznik (Uskrs)
- četvrtak 01.05.2025. godine državni praznik (Međunarodni praznik rada)
- petak 02.05.2025. godine državni praznik (Međunarodni praznik rada)
- petak 06.06.2025. godine vjerski praznik (Kurban Bajram)
- utorak 25.11.2025. godina državni praznik (Dan državnosti)
- četvrtak 25.12.2025. godina vjerski praznik (Božić)

Ova odluka stupa na snagu danom donošenja, a objavit će se na web stranici Registra i dostaviti svim članovima Registra za sistem obračuna i poravnanja kao preporučena poštanska pošiljka.

Ovu odluku obavezni su da primjenjuju zaposlenici Registra i članovi Registra za sistem članstva obračuna i poravnanja.

Direktorica
Gordana Vujović



Broj: 04-1-10276/24
Datum: 23.12.2024. godine